


P. Aulani



Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
5467/A





Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
5467/A



Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
5467/A



Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
5467/A

K
5467/A E. XII. 5, 17



¹⁰¹
F. J. go VI

Ferguson II, 264

40 - ME
(80i)

[Faint, illegible handwriting]

Canon de Sancto E.

L. XVIII. 21.

VROCRITERIVM
CHYMIATRICVM,

70944

Sive

RATIO CHY-
MIATRICA
EXACTE DIIVDI-

CANDI VRINAS EX TRIBVS
Principiis actiuis, & vno Passiuo,
hactenus neglectis Aphori-
stice ostensa,

Auctore

IOHANNE RHENANO
HASSO, MEDICO.



FRANCOFVRTI,

Typis Wolfgangi Richteri, Impensis
Antoni Humml.

M. DC. XIV.



CLARISSIMO ET EXPERI-
entissimo Doctori Medico,
DN. IOANNI IACO-
BO GVGGERO BA-
SILIENSI,

Amico singulari,

IOANNES RHENANVS HASSVS

Salutem dicit.

Hic, clarissime vir,
Domine & amice
inter charos exi-
mie, dissimulare est artifi-
cum: studia tamen nihilo-
minus hominum solerti-
um, naturæque penetralia
scrutantium mediocri dili-
gentia iuuanda sunt, & exor-
nanda. Cum itaq; ante hoc
tempo-

P R Æ F A T I O.

temporis de vrinis, non e-
dendi, sed in meos vsus refer-
uandi gratia nonnulla theo-
remata tū Magni illius Me-
dicorum Monarchæ Theo-
phraſti Paracelſi, vsu com-
probata, tum mea experien-
tia multum cōfirmata, con-
ſcripſerim, atque in aliquam
methodum redegerim, in-
ſtituisti vir clarissime, vt istud
communicarem cum aliis.
Tametsi igitur nihil minus
institueram, quam doctissi-
mo, politissimoq; hoc secu-
lo de mea tenuitate quicquā
in medium proferre, præſer-
tim cum tot eruditissimi vi-
ri è proſcenio in hāc arenam
quotidie prodeant: tamen
quia

P R A E F A T I O.

quia tibi videntur in com-
mune bonum lucubrationu-
culæ meæ cedere, malui pro-
fectui multorum solertius
inquirēdi obseruationibus
que quotidianis naturā in-
uestigandi ansam præbere,
quam silentio, quamuis tu-
t, inuoluere, quod alicui v-
fui esse posset. Vela itaq; ven-
tis commisi, & ea quæ ab a-
liis minus obseruata fuerunt
dedi, quæ obscura, declara-
ui, ordineq; digessi pleraque
omnia, ita vt cuilibet priora
postremis iungenti ad exa-
ctam vrinæ cognitionē adi-
tus pateat. Si erratum quip-
piam fuerit (quanquam ni-
hil esse confido) tuæ & alio-
)? (3 rum

P R Æ F A T I O.

rum præstantissimorum censure lima vel corrigenda, vel saltem animaduertenda, lubens exhibeo: scio tamen ad rem ipsam quod attinet, nihil ab experientia alienum fore.

Quia vero antiquitas obtinuit, uti suas lucubrationes aut tutori, aut patrono, aut amico adscriberet, te ex aliis, tam ob tuam insignem eruditionem & præstantiam, quam ob summam in me benevolentiam, eximium candorem & amicitiam non vulgarem, elegi, cui hoc, quicquid est, vrocriterii consecrarem. Accipe itaque, vir præclarissime, istud munusculum

P R A E F A T I O.

culum à tua professione non
alienum, ea mente, qua tibi
dicatum est, & me, vt facis,
ama, nec non ad Nestoreos
annos forte prospera vtere,
viue, vale. Cattorum Mar-
purgi. Antepenultima Au-
gust. Ann. cīo īc ix.

R A P H A E.

RAPHAELIS EGLINII
CONII TIGVRINI D.

Hexametro-Iambicum.


O Mnia natura gremio contenta patefcunt,
Et tempore abdita eruantur omnia.
Non fecit ac Euangelio praeiixit Iesus,
Nil esse opertum non apertum quod velit.
Vnde iubet tacite commissa fideliter auri,
Producere, & quibuslibet praedicere.
Namq; grauis manet huic, & iusto faenore poena,
Talentum inique qui solo mandauerit.
Tu melior, RHENANE, decus, Chymiatris lux, &
Flos Hassica gentis beate, (amice mi)
Non pateris, vero quae sunt tibi cognita sensu,
(Lanugine obducente mentum primula)
In Chymiatris gremio latitare sepulta
Criterii secreta fontis Clinici.
Vrinam inspexisse iuuat, duce & auspice IANO
HASO. Latentis plus inest hic commodi,
Quam Medicus quisquam possit cognoscere forsan,
Si tegmen auferas operto vultui.
At tu IANE IACOBE reuens GYGGERE create
Marpurgica inuidende doctor in schola,
Gaude sorte tua, gaude acclamantis amici
Noû IOANNIS dedicata pagina.

ANAGRAMMATIZOMENVS
IOANNES RHENANVS

per

REGNERVM BARELS FRISIVM.

Quaeritur ANNE SONES VRINA Renane Ioan-
Sic est, Res, Auctor, conueniuntq; Liber. (nes?
SCHE.



SCHEMA V

Qualita

(Parte fu.) in Sulphur

Acciden

OCRTICVM.

Resoluta { Alba, lactea, vt serum lactis.
Rubea, subrubea, citrina, crocea.


Arenosa { Alba, vt farina fufurea.
Rubea, citrina.

Mucilaginosa, bituminosa, viscosa.

Sanguis.

Pus.

S C H E M A V I



OCRTICVM.

Resoluta { Alba, lactea, vt serum lactis.
Rubea, subrubea, citrina, crocea.

Arenosa { Alba, vt farina fufurea.
Rubea, citrina.

Mucilaginoſa, bituminofa, viſcoſa.

Sanguis.

Pus.

Sanies.

Reſtriſtio.

anea, id eſt, per ægros nota { eſt miſſio inuoluntaria.
Ardor guttatus.

experientia { Spiritus } Vrinæ.
Sal

nachus }
r } Habentq; urinam diaphanam.
es }

Spiffa.

Lucida.

Diaphana.

d ex fœtore percipitur.

in ſpuma vitrea, cerebri.

in ſpuma, Pulmonis.

alba viridem reflexionem habens cum ſpuma, fellis.

in ſpuma, Epatis.

in modica ſpuma, Splenis.

in ſpuma lucidior cum pinguedine, Renum.

in ſpuma carniſum ſimilis, carnis.

in ſpuma lucida cum pinguedine in ſuperficie, eſt pinguedinis.

in ſpuma pellucida cum ſpuma & albo circulo, Ligamentorum.

in ſpuma quæ deſtillat ſimilis cum modica ſpuma, Intestinorum.

in ſpuma lucida cum magnis diudurantibus ampullis, cartilaginæ & veſicæ.

in ſpuma ſine ſpuma, cutis.

in ſpuma teritæ, cærulea, viridis, aut nigra, ſanguinis.

in ſpuma mucilagine in fundo, muci.

in ſpuma circulo aqueo, ſudoris.

in ſpuma unculæ innatantes, Excrementi aurium.

in ſpuma ore cum paruis bullis, Lachrymarum.

in ſpuma modica ſpuma, ſtercoris.


in ſpuma corrupta, vrina.


Sulphuris.


Mercurii.

alis.

anturque ſecundum ſubſtantiam { Spiffam.
Lucidam.
Diaphanam.







VROCITE- RIVM CHYMIA- TRICVM.

C A P. I.

De Generalibus.

I.

NON temere Hippocrates Medico prudentiam, futurorumque cognitionem necessariam esse iudicat, quandoquidem solius Medici, prudentis, inquam, & periti est, hominis naturam ac partes earumque tum prosperam, tum aduersam nouisse valetudinem. Cum autem nonnulla in profundis humani corporis latibulis sita non nisi signis quibusdam dignosci queant, de vrinis, utpote signorum præstantissi-

3 VROCRITERIVM

stantissimo, quædam tractare & pro mea tenuitate prosequi fertanimus.

II.

Est autem vrina excrementum primarium, salem, quem natura ab ingesto nutrimento secrevit & neglexit, cum humoribus aquosis superfluis excernens.

III.

Sed priusquam ipsum de vrinis iudicium aggrediamur, de generalibus nonnullis admonere necessarium ducimus, ea præsertim proponentes, quæ tum ad ipsam vrinam spectant, tum ad Medicum pertinent.

IV.

Ad vrinam quod attinet, docendum est, quando & quomodo illa excipi exceptaque conseruari debeat.

V.

Vrina itaque à coena prima quæ
ex-

excernitur ad iudicandum nullius est momenti, sicuti etiam secunda: tertia vero etiam si aliquādo (quod tamen raro accidit) veri quippiam notet, utcunque tamen fallit, proinde quarta, aut post illam quinta vel sexta (modo ante ientaculum excipiat) est eligenda, cum illa propius ad rei veritatem Medici iudicium adducat: nec non ad perseverantiam alterationemq; substantiæ & contentorum perscrutanti conducibilis sit.

VI.

Vrina vero crapulosa, qualiscunque illa sit, parum indicat, quia ista digestionem, separationem & expulsionem nondum completa, egesta est.

VII.

Præterea si urina hypostasis [de qua post] alba fuerit, illa nihil ponderis habet, neq; à Medico aestimari debet. Omnia enim eius indicia,

A 2 & in-

4 VROCRITERIVM

& inde orta iudicia fallunt, cum nihil veri ex ea addisci possit.

VIII.

In grauiſſimis autem morbis, qui in nutritionis regione, hoc eſt, à ſtomachi orificio, ad excretionem in veſica uſque, ſedem minus poſuerunt, ſed in alijs membris locis, ve latent, opera eſt adhibenda, vt ager toto die nihil cibi aut potus ſumat, aut ſi à cibo abſtinere non poterit, à potu ſaltem ſeſe cohibeat. Tunc enim de morbis grauiſſimis præſens iudicium habere poteris.

IX.

Quomodo porro vrina ſit excipienda, ſcitu opus eſt, vt illa iam iam egeſta vaſi vitreo aut fictili includatur, ne ſpiritus exſpirare queant, neque vſlo alio vaſe, quam prædictis eſt vtendum.

X.

Si vrina in matula vrinaria poſita attractu ſubcalida fuerit, in illa
minus

CHYMIATRICVM.

minus exacte spectantur contenta
& substantiæ, color tamen perfecte
apparet; vbi vero refrigerata fuerit,
eadem hora, aut alias intra sex in-
spiciatur.

XI.

Vrina vltra sex horas non est re-
seruanda, quia illo tempore elapso
corrumpitur & inepta est.

XII.

Si frigore aut alia occasione tur-
bata vel incrassata mutatione fue-
rit, ad ignē posita ac dissoluta mo-
uendo cum facibus probe com-
misceatur, ne fæces neglectæ erro-
rem pariant; tandem in vrinale in-
fundatur & post quartam horæ in-
spiciatur ac iudiciū feratur. Quip-
pe in calida, aut super cineres cali-
dos posita hypostasis dissoluitur,
permiscetur, & quiescendo suam
sedem recipit.

XIII.

Spissas vrinas nedū lucidas com-
mouere prodest, prius quā omnia

A 3 debite

6 VROCRITERIVM

debite examinauerimus, ne contenta concussa suam sedem effugiant, & bullæ aut spumosa quædam superfluitates enascantur, indeq; flatulentos, salinosve spiritus adesse iudicauerimus.

XIV.

Hic de vrinali breuiter admonere inconueniens esse non videtur. Debet autem vrinale ex vitro albo & tenui fieri, vt colores eo exactius appareant. Viride enim si fuerit, non solum de coloribus aliquid immutat, sed substantiæ quoque iudicium peruertit: adde, quod contenta in illo non exacte apparent.

XV.

Figuram matulæ admodum patientem esse non conuenit, sed vt altitudini quoque locus sit, per quem contenta contineri valeant, necesse est. Neque nimis arcta aut lata, alta, crassa vel duplex esto, sed quoad eius fieri potest, simplex & læuis,

læuis, multam ad fundum urinam continens, in triplici dimensione aqua proportionem correspondens, ut quantitas urinae, quæ omnino & perfecte excipienda est, conspici possit.

XVI.

Ad Medicum præterea, quod refert, considerabit ille locum urinam inspiciendi & hominum ætatem, sexum, nec non anni tempus.

XVII.

Locus in urinis spectandis commodus erit, non umbratilis, neque nimis lucidus, sed inter hos medius quo contenta manifeste videantur. Quod si ubi loca fuerint valde obscura, ad sublucidum locum, ubi latentia pateant, urina est transferenda.

XVIII.

Neque ad candelæ lumen consideranda. Colorem enim alteratus apparet.

A 4 Urinae

§ VROCRITERIVM

XIX.

Vrinæ ad solares radios conspectæ color remissior est. Quare manum tuam, aut pannum nigrum vrinæ & soli interpone, atque tum demum color & contenta distincte discerni possunt, neque oculorum tuorum acies hebetatur.

XX.

Infantibus insuper (vt ad ætates veniamus) aquosæ, lucidæ, & crudæ minguntur vrinæ.

XXI.

Puerorum vrina sanior est substantiæ spissioris (diaphana enim lethalis est) à subaureis & subcroceis parum recedens, iuuenum vrinas substantia quodammodo excedens, & hypostasis cumulatam congregatamque continens.

XXII.

Est autem hypostasis, post fundum subsidens vrinæ portio per totam vrinam æquabiliter diffusa, & pyramidali more contiguo sursum

sum vergens. Quia enim hypostas-
 sis non omnibus suis partibus æ-
 que grauis est, quod est grauiissi-
 mum matulæ [quantum potest]
 fundum petit, deinde quod pau-
 lo minus habet grauitatis, subse-
 quitur, vt tandem, quod minimum
 graue est, acumen faciat. Aduertē-
 dum est hic, hypostasis vocabu-
 lum ab authoribus pro varia situs
 & loci ratione triplex statui: vel e-
 nim in imo residet & proprie hypo-
 stasis dicitur, nos sedimentum ap-
 pellamus; vel in medio propendet,
 quod ἐναέριον Græci appellant, la-
 tini suspensum vel sublimamen-
 tum dicunt, hoc nobis est hyposta-
 sis, & quodocunq; hypostasis no-
 mine vtimur, illud intelligere volu-
 mus; vel summa facie innatat & nu-
 bes nebula & nubecula dicitur.

XXIII.

Quo pueri sunt natu maiores, eo
 intentiores vrinarum colores ade-
 runt, sed hypostasis quantitas mi-
 nuitur.

In

XXIV.

In iuuenibus temperatis & ætate florentibus vrina est subaurea, & subcrocea mediocrisque hypostasis.

XXV.

Quantum ad senectutem ætas declinat, tantum ad album colorem vrinae recedunt. Pallidior enim fit sulphuris tinctura, & hypostasis indies fit minor & obscurior, quod quidem eorum debilitati, non senio, esse adscribendum censeo. Plura igitur contenta expectantur à pueris, quam in iuuenibus & senibus, ratione quietis & facilioris concoctionis.

XXVI.

Porro obseruandum, iuencularum (quo ad sexum) vrinas habiliiores esse vrinis iuuenum. Hypostasis enim earum fit longior, minutior quodammodo & omnino subtilior, iuuenum autem semper crassior.

Puel-

XXVII.

Puellarum vrina habet in fundo adhuc paruam hypostasim, quæ non bene aduertentibus cum superiore contigua apparet, attamen eadem hypostasis non est, sed ab illa quamuis sit minutissima, distincta matricisque propria est, ac mulierem sanam & fecundam indicat, quod in viris non accidit.

XXVIII.

Vt vero rectius hypostases illas oculis tuis subiicere possis, mouenda est mulierum vrina. Mota enim parit paruas bullulas inter illas duas hypostases; estq; infallibile muliebris vrinæ signum.

XXIX.

Menstruo autem deficiente hypostasis illa parua non cernitur amplius, & est signum olim fecundæ, quamuis postea cum lassitudine grauedinem sentiat, vergitque consueta hypostasis ad albedinem,
&

& secundum vitrum vndiq; plumbea, vti circulus est, etiamsi istæ mulieres sint sanæ. Secus est in viris, quorum vrina semper eadem manet, nisi in decrepitis, vbi colores (vt dictum est) alterantur.

XXX.

Mulierum insuper vigentis iuuentæ atque temperatarum vrinæ nō multum recedunt à colore subaureo & subcroceo, versus album tamen declinantes, & substantiæ lucidioris, quodammodo sunt, quam virorum.

XXXI.

De vrinis quæ per anni tempus apparent, nunc dicamus. Vere igitur quantum tempus ad calidum processerit, tantumdem vrinarum colores à subspiceo & spiceo (à spicis dicto) discedens, procedunt ad colorem subaureum & subcroceum: hypostasis vero à spissiore incipit mutari in lucidam.

Cum

XXXII.

Cum æstas incipit, tum urinæ apparent subaureæ & subcroceæ: substantia vero lucida: hypostasis mediocri tenuior apparere incipit alba, levis & æqualis: procedente vero æstate & ad summum accedente, quantitas humoris minor ex proportionē spectatur.

XXXIII.

At vero ubi autumnus accesserit, tum colores reuertuntur ad mediocritatem, sed fulgor & diaphanitas adhuc manent, hypostasis est obscura: procedente autem autumno ad mediocritatem secundum omnia redit urina.

XXXIV.

Quando vero Sol fuerit circa hyemale solstitium: tum urinæ quantitas ex proportionē redditur, & color in albedinem vergit, hypostasis est maior, reliqua vero mediocria.

Pro-

XXXV.

Procedente hyeme vrinae substantia inaequalis est. Nam interdum spissa, interdum lucida: quantitas autem humoris maior est ex proportionem rei ebibitae, contenta vero maiora & incocta.

XXXVI.

Vbi æquinoctium vernale adest, hæc disseparantur, & ad mediocritatem ut redeant, diriguntur.

XXXVII.

His generalibus observationibus (quæ maxime necessariae, obseruatuque dignissimæ sunt) præmissis, ad urinam ipsam nos conuertemus. Præter hæc caueat medicus ne decipiatur ab his quæ urinæ liquorem & contenta immutare solent: sæpe enim causis naturalibus, & præternaturam alteratur urina, quæ nihil lethale nec sinisteri præ se fert. Inter causas non naturales agnosco cibum & potum, ut quando ab usu puliculae filigineae
aut

aut lactis sæpius albæ urinx funduntur, vel ab vsu pulticulæ leporinæ nigræ: Rheubarbarum, crocus, rubia tinctorum suo colore urinam inficiunt: Asparagus, terebinthina alieno perfundunt odore liberalior aquæ potus tenuem crudamque profundit urinam.

XXXVIII.

Ab iis quæ præternaturam sunt urina etiam immutatur, vt ab vlcere renum & vesicæ, ita enim nunc crassæ, nunc cruentæ, nunc purulentæ effluunt.

C A P. II.

De urina sana.

I.

QVoniam contrariorum eadem est disciplina, illaque iuxta se posita clarius elucescunt, priusquã ad non sanam urinam venerimus, de sana nonnihil dicemus, vt hac perfecte cognita, cognoscatur & illa exactius.

Urina

II.

Vrina autem sana vt plurimum cognoscitur, quando sulphuris tinctura vicit. Illa enim aurea sanam corporis constitutionem annunciat. Nihil etiam refert, si subaureus color spiceus vel subspiceus fuerit, pallidior etiam pro personæ constitutione est perpendendus.

III.

In Vrina sana Ventriculi, Epatis & Renum concoctio est spectanda, sicuti etiam eorundem separatio & expulsio. Ex eorum enim constitutione bona sanitas pendet.

IV.

Separandi facultas ventriculi vrinæ coloribus dignoscitur. Quippe separato iam sulphure crudo color spissus topazio similis in stomacho remanet, quem si vrina profert hac ex parte separationem sanam esse non dubitamus.

V.

Quod si salis aut mercurii colores

res exceſſerint, vrina eſt abomi-
nanda. Abſolutam autem ſalis ſe-
parationem ventriculi, tum exacte
concinnata hypoftaſis, tum color
eiufdem inter fuſcum & cœleſtem
medius oſtendit.

VI.

Mercurii eadem eſt habenda ra-
tio. Quando enim ille, [qui natura
gravis fundum petit] ſupremæ vri-
næ tam ſubſtantia quam colore ſi-
milimus fuerit, ſeparatio eius eſt
bona.

VII.

Notandum hîc, ſulphur ſupre-
mam vrinæ partem, ſal mediam, &
in hac hypoftaſin, Mercurium au-
tem infimam regionem ſemper oc-
cupare.

VIII.

Concoctionis ſigna ſunt: Vrina
in ſubſtantia ac colore diaphana ſa-
lis exactam digeſtionem docet. Pa-
ri modo quando ea, quæ in fundo
reſident, ac hypoftaſis, ſummaque
B vrinæ

vrinæ pars iusto diffident interuallo Mercurium probe coctum iudicabis.

IX.

Silentio tamen non prætereundum in vrina, præsertim exteriori, fundum semper aliquatulum spissorem superiore parte, attamen perspicuum & transparentem requiri.

X.

Expultrix porro facultas non est negligenda, quam plane nulla ex parte excessisse vrinæ quantitas vna cum hypostasi demonstrat.

XI.

Proinde in quantitate vrinæ ut cognoscere possis, habebis vas octo vnciarum, cui vrinam infundes, atque ad lancem appendes, & quando exacte octo vncias librauerit, vrinam sanam esse iudicabis; quo vero magis ad septem vncias declinauerit, etiam magis ad sulphur accedit. Sin autem octo vnciarum pondus

us exceſſerit, mercurialis morbus inſtat. Sed cum reſeſſerit, ad ſex vncias vel circiter, ſalis eſt. Sal etenim vrinæ reliquis duobus principiis leuius eſt.

XII.

Hæc in decrepitorum vrinis obſeruanda ſunt: at in juvenibus reſ aliter ſeſe habet, ſiquidem eorum vrina eſto ſex vnciarum, ſi vero alterutram partem comperies diminutam, minus bene habentis eſt indicium.

XIII.

Atque ex his aduerſa ſtomacho quæ accidere poſſunt, ad vnguem iudicabis.

XIV.

Haſtenus de proſpera ſtomachi valetudine. Hepatis quod attinet, deprehendes illam, ſi ea, quæ in vrina continentur diaphana, clara & perſpicua reluxerint. Eaque in primis laudatur vrina, quæ radios in manum tranſfuſos reflectit,

B 2 ſulphur-

sulphurque optime separatum testatur. Quod vero in fundo residet, si tantum lucidum fuerit, ut radii eius per vtrumque fundum appareant, mercurium ad amissim segregatum denotat.

XV.

Concoctionem ostendit vrina agitata lucidiorem seruans habitum. Idem quoq; hypostasis, commotione non dispersa, monstrat. Fundus autem inmotus, nec in minimas distractus partes mercurium bene digestum significat.

XVI.

At hypostasis in superiore parte lata, defectum virtutis expulsiuæ annunciat. Hypostasis enim proprium est sursum in acutum vergere, & acumine superiora tangere.

XVII.

Hæc de Hepate: Renum habitum declarant color, hypostasis, atque ea, quæ fundo continentur, recte se habentia, nullaque agitatione

ne turbata, quamuis eorum quantitati, iusto tamen retento situ. & ordine, nonnihil detrahatur.

XVIII.

Vrina aurea exactæ in renibus separationis est signum.

XIX.

Vbi fundi minus dignosci poterunt, mala separatio denotatur.

XX.

Fundus clarus dupliciter ad manum reflectens, spiceus vnus, subspiceus alter bonam separationem significat, nulla tamen præsentē spuma.

XXI.

Spuma enim in exteriorē vrina absolute podagram, nec quicquam aliud indicat.

XXII.

Vrinæ itaque perfectæ sanæ indicia sunt; Hypostasis porosa, contigua, & symmetriam non excedens, cui color ad latus vtrumque pertensus, summaq; eius parte re-

B 3 lisus

lisus sit, & cum vrina à Medico egregie turbata spumam reddit, ea-que ex motu causata subito euanes-
cit, hypostasi decenter medium
tenente, fundoque bene se habente.

XXIII.

Hæc de vrina sana in præsentia-
rum dicta sufficiant, cui quicquid
alienum acciderit, inauspicatum
iudicabis.

C A P. III.

De vrina Tartari Alcolizati.

I.

Vrina est simplex aut mixta.

II.

Simplex est quæ vno & simpli-
ci circulo [vulgo corona] cogno-
scitur.

III.

Circulus est exterior vrinæ su-
premae

prema pars, vitro vndique adhærens.

IV.

Simplex vrina est externa aut interna.

V.

Externa habet circulum liuidum, & prouenit ex nutrimentis, nec quicquam aliud, quam quod ad stomachum, epar, renes, vesicam, & totam istam nutritionis regionem attinet, denotat, atque in his separationem puri ab impuro, digestionemq; ac expulsionem salis, sulphuris & mercurii docet. Hypostasis enim salis, color sulphuris, fundus mercurii qualitatem ostendit.

VI.

Vrina non sana externa est Tartari & Rubini.

VII.

Vrina tartari, est vrina exterior morborum ex tartaro oriundorum habitum declarans.

Vrina

VIII.

Vrina tartari est congelata vel resoluta.

IX.

Congelata, est quæ in membris nutritioni destinatis congelatum tartarum demonstrat.

X.

Estque Alcolita vel Tremula.

XI.

Vrina Alcolita, est quando tartarus in partes minutas dissolutus exit, quod multipliciter fit. Aliquando exeunt cum vrina granula alba, aliquando vsnea apparet, sicuti in matulis arena fundo adhærens cernitur.

XII.

Aliquando nihil conspici potest, at si per aliquo thoras matulam seposueris, donec vrina refrigescat, adhærere matulæ vsneam aut pruinam videbis.

XIII.

Alcola autem hac occultata apparent

parent fibræ albæ instar concisæ lanæ. Nonnunquam illa alcola in liquorem mucilaginosum resoluitur, & vrina in fundo spissa est, quæ omnium pessima est, & præsentissimum calculi in vesica signum esse dicitur.

XIV.

Quia vero membrorum concoctioni destinatorum morbos hinc inde inquirere conuenit, sciendum est, hypostasim indicare tartarum Stomachi, diuulsionem Epatis, Sedimen vero Renum.

XV.

Diuulsio, est quando hypostasis instar nebularum est diuulsa ac diuersa.

XVI.

Sedimen est, cum spissa nubes aut nebula in fundo residet.

XVII.

Si Hypostasis est porosa, huncq; locum occupat, illum vero minus, nec non in foraminibus aut poris

B 5 alcola

alcola cernitur, est signum tartari in stomacho, & poterit indicium esse arsuræ stomachi, orexis, aut compressionis thoracis in furcula pectorali, cum suis symptomatibus.

XVIII.

Si hypostasis fuerit rubicundior urina, vehementes stomachi dolores decernit.

XIX.

Si hypostasis superiorem urinæ locum obtinuerit, non mediocrem capitis dolorem adesse significabit.

XX.

Quando autem ceciderit frustulatum divulsa ac foraminosa, est signum tartari in hepate, inde compunctiones in latere dextro, & hæc diuulsio rubea acutiorem morbum designat, & ægros frigidiores habere manus ostendit.

XXI.

Quod si diuulsio fundum versus

fus residet, significat tartarum in inferioribus hepatis partibus infra costas.

XXII.

Sedimen cum fundo residens ostendit tartarum in renibus præcedere. Illo autem rubeo existente, morbus est acutior.

XXIII.

Vrina cum sedimine nebuloso rubea significat pruinam aut vsneam in renibus, in fœmoribus dolores mouentem.

XXIV.

Si arena cum sedimine apparet, vitium stomachi, & in furcula pectorali compressiones indicantur.

XXV.

Sin grandines aut pruinam refert, semper in renibus erit, & est generatio marmoris rubei.

XXVI.

In alcola tamen in primis consideranda sunt qualitates, accidentia & signa.

Qua-

XXVII.

Qualitas est triplex, resoluta, arenosa, & mucilaginosæ.

XXVIII.

Resoluta alcolæ qualitas, est, cum tartarus prorsus occultatur, nec vllum superiorum signorum emittit, sed resolutus ab vrina separatur, discretusque supra alium significatur.

XXIX.

Hæc resolutæ alcolæ qualitas alba, lactea vt serum lactis, & aquea significat calculum ex lapillis & generationem lapidis.

XXX.

Rubea, subrubea, aurea, crocea, tincta docet arenam & marmor.

XXXI.

In quorum vrinis veluti arenulæ consistunt, vis vesica ex calculo laborat.

XXXII.

Arena alba vt farina furfurea, significat calculum ex lapillis cum bolo

bolo Rubea vero citrinaque qualitatē materiæ sicuti apparet, ostendit, aliquando etiam ab vlcere & scabie vesicæ prouenit.

XXXIII.

Alba vrina cum arena alba, lapidem vesicæ denotat.

XXXIV.

Vrina rubea cum arena rubea, signum lapidis rubei in renibus.

XXXV.

Si vrina arenosa habet sedimen, signum est futurorum grandinum.

XXXVI.

Quibus cum vrina spissa carunculæ paruæ, aut veluti capilli exeunt, præsertim si rubeæ, nulla præfente febre iis à renibus secernitur, & significat renum obstructionem & inde ortam inflammationem, à mucilaginoso tartaro, sicuti fit in stranguria, dysuria atque in istius lateris pede, in cuius rene istud malum est, aliquo modo sentitur.

Si

XXXVII.

Si cum eiusmodi vrina purulenta quædam materia excernitur, renum aut vesicæ exulcerationem idque pro materiæ colore demonstrat.

XXXIX.

Ostendit etiam nonnunquam semen post Venereū actum prodisse, aut exulceratam gonorrhæam. Sed in mulierum vrinis menstruum album, vel impuram matricem denotat.

XL.

Quibus cum vrina spissa furfuræ quædam simul exeunt [subintellige cum quadam pinguedine vrinis supernatante] iis vesica scabie laborat. Quibus autem eiusmodi vrina cum febris procedit, iis febris in profundis vasis infixæ & periculosa est.

XLI.

Hæc de qualitate arenosa: Mucilaginosa, est cum mucilago quædam in vrina reperitur.

XLI.

Mucilaginosā, bituminosa, viscosa, tartarum non satis confectum esse docet.

XLII.

Si ea fuerit alba, signum est vehementis lapidis.

XLIII.

Arena cum mucilagine, plurimum lapidum signum est, & quamuis mucus ille non sit lapis, lapidis tamen indicium est.

XLIV.

Si mucilaginosā fuerit aurea, ex spermate prouenit.

XLV.

Hucusque qualitates: Accidentia alcolæ, sunt sanguis, pus, sanies, & restrictio.

XLVI.

Quicumque sponte sanguinem mingunt, ut vrina aquam tingere possit, iis à renibus venula rupta significatur. Venulam hanc tartarus aperuit, & tum sine dolore

cernitur, quæ aliquando rursus per se ipsum consolidatur, aliquando iterum aperitur.

XLVII.

Quod si frustulatim exit, signum est sanguinis coagulati, qui multoties hominem interimit.

XLVIII.

Sanguis purus cum dolore & punctiōibus in dextro latere à recore excernitur.

XLIX.

Sanguis in vrina grossus & grumofus cum fetore & doloribus secundum genitalia à vesica prodit.

L.

Sanguis grumofus fundum petens, menstruum mulierum denotat.

LI.

Si quis sanguinem aut pus minxerit, aut squamulas, & grauis dolor adsit, præsertim cum vrina alba ad liuidam inclinante, vesicæ exulcerationem significat. Sicut enim
insua-

insuavis odor putrefactionem denotat, ita etiam squamulæ locum demonstrant.

LVI.

Si pus est rubeū, significat morbum adhuc esse in renibus, sin vero album, tunc est in vesica, & loci exulcerationem docet.

LVII.

Sanies loci putrefactionem indicat.

LVIII.

Restrictio est quando vrina restringitur.

LIX.

Hactenus accidentia: signa aut sunt extranea aut ab experientia.

LX.

Signa extranea sunt, emissio inuoluntaria & ardor guttatus.

LXI.

Emissio inuoluntaria, est cum quispiam vrinam emittit, nec sentit, & est signum tartari poros penetrant-

C

netran-

netrantis, nec recta aut conuenientia via vesicam intrantis.

LXII.

Ardor guttatus est, cum quis guttatim mingit & est nota tartari acuti. Hæc vrina si alba fuerit, tartarus tendit ad calculum, si rubea, ad gradines.

LXIII.

Ab experientia est, quando vrina sana apparet, nec quicquam in ea deprehenditur, & tamen æger nihilominus tartarum sentit. Illud itaq; experientia est inquirendum, idque per spiritum, aut per salem inuestigatur.

LXIV.

Si per spiritum, vrina est destillanda, & quod ex destillatione prouenit, in frigidam ponito, ac cum in fundo Cryсталlos instar salis petrae subito ascendentes proiecerit, signum euidentis mali est.

LXV.

Si per sal vis experiri, seponito vrinam

rinam per tres aut quatuor dies, & tartarus matulæ instar salis petrae vndique adhærescet, aliquando albus, aliquando rubeus. Hæc duo per experientiam conquisita signa incurabilem morbum, nisi arena aut mucilago, aut aliud ex superioribus signis simul concurrerit, indicant.

C A P. IV.

De vrina tremula.

I.

HActenus de vrina alcolita, tremula sequitur.

II.

Vrina tremula est, quando vrina ascendendo descendendoque feruere seu bullire cernitur, & oppilationem significat.

III.

Vrina diaphana pallida significat oppilationem stomachi.

C 2 Vrina

IV.

Vrina citrina diaphana, puncturas in mesaraicis notat.

V.

Vrina rubea, est Epatis; crocea, renum; in fundo vero caloris indicium est.

VI.

Vrina pallida cum spuma signū paroxysmi febrilis. Rubea quoque cum spuma, significat febrim, sic etiam crocea pro diuersitate loci.

VII.

Si circulus clarus est, & spuma caret, ut plurimum designat pestem.

VIII.

Si turbida fuerit cum spuma & sedimento caret, pleuresin notat, vel aliud epatis apostema si rubea etiam fuerit.

IX.

Vrina rubea in modum rosæ, plerumque Ephemeræ signum est.

Vrina

X.

Vrina rubea spissa præter contentum, mortem indicat.

XI.

Vrina rubea vel crocea modica & spissa, euidens hydropisis signum est.

XII.

Vrina multa crocea & rubicundissima, ita vt impositum & rursus exiccatum pannum croceo colore tingat, diabetem demonstrat.

XIII.

Vrina pauca crocea non tingens impositum pannum, quotidianæ febris renum nota est.

XIV.

Vrina multa & aquea crudam hypostasim habens, hydropem aut anasarcam indicat.

XV.

Si vrina intra septem, nouem vel quindecim dies non alteratur, sed eadem manet, signum est morbi chronici.

C

3

Vrina

XVI.

Vrina bona, clara, diaphana, spadi-
dix est signum mortis, & si ei acces-
serit foetor, mors presentissima por-
tenditur: sin vero porosa fuerit, sa-
lutis & vitæ indicium est.

XVII.

Vrina æqualis, hoc est, hyposta-
sin æqua lance libratam habens op-
pilationem in regionibus stomachi
esse docet.

XVIII.

Quibus adhuc febricitantibus
vrinæ sunt spissæ, grumosæ, paucae,
multitudo earum lucida superue-
niens, iuuat, præcipue autem tales
sunt, quibus ab initio vel non ita
multo post sedimen inest.

XIX.

Vrina diaphana contentis, hy-
postasi & aliis signis destituta, aut
cerusea diaphana obstructionem
hepatis demonstrat.

XX.

Vrina perrubea lucida renum
obstructionem indicat.

CAP. V.

De Tartarea resoluta.

I.

HÆc de tartareavrina cōgelata;
Resoluta, est quando tartarus
in membris principalioribus reso-
lutus putrescit, vrinamque foeten-
tem facit, & à foetore ista vrina sca-
tea appellatur. Ex hac morbi è pu-
trefactione nati cognoscuntur.

II.

Scatea vrina cognoscitur odore
& sapore.

III.

Vt autem duplex est putrefa-
ctio, nutrimenti nimirum, & cor-
poris nutriendi, ita & duplex foetor
est.

IV.

Vrina igitur foetens alba nutri-
menti putrefactionem designat; a-
liis autem tincta coloribus & fœ-
rens, corporis putrefactionem o-
stendit.

V.

Si pallida, non tamen lactea, foetet, est putrefactio stomachi, & spiritus foetet: si rubea, Hepatis; sin vero crocea, renum.

VI.

Quando turbida, hoc est nulum verum colorem habens, extiterit, putrefactio in tribus his membris simul erit.

VII.

Vrina foetens sine hypostasi, est ventriculi; corrupta, hepatis, turbida & spissa, renum.

VIII.

Vrina fatens stomachi cum colore rubeo, significat febres stomachi.

IX.

Eadem cum colore albo, malam digestionem & separationem indicat.

X.

Vrina corrupta fatens cum colore albo, monstrat hepatis putrefactionem.

factionem; sed cum rubeo colore, febrem.

XI.

Vrina spissa alba significat renum frigiditatem, rubea autem dolores renum indicat cum febre.

XII.

Vrina foetens nigra pulmonis & pectoris inflammationem ac plerumque mortem adesse docet.

XIII.

Atomi rubei aut albi cum graui odore apparentes totius corporis putrefactionem, aut morbum Gallicum significant.

XIV.

Nullus omnino urinae odor, sulphuris & innati caloris defectum, mortalemque frigiditatem in acutis morbis arguit.

XV.

Ad odorem quod attinet, consistit iste in sulphure, mercurio, & sale.

C 5 Odores

XVI.

Odores sulphuris sunt tres: picis, olei, & sulphuris vulgaris, eorumque materia peccans est sulphur.

XVII.

Odor picis, est cum pix sutoria comburitur super carbones. Oleum, cum proieceris in ignem, factorem percipies. Sulphuris odor ab incenso sulphure dicitur: Atq; his febres indicantur.

XVIII.

Mercurii odores sunt: odor i-reos, carnis seu iuris carniū & herbarum; siue cum introducitur fœnum, horumq; materia peccans est Mercurius, & sunt signum lepræ.

XIX.

Odores salis sunt; crudi salis, arsenici, seu cæparum, & spirituum. Dicuntur hi odores à simili, vt si sallem, arsenicum, vitriolumue super prunas proieceris, qualem saporem
aut

aut factorem animaduenteris, talem
in vrina iudicabis.

XX.

Ex sapore materia morbi cogno-
scitur. Qualis enim sapor, talis ma-
teria peccans.

C A P. VI.

De vrina rubini.

I.

HActenus de vrina externa tar-
tari locuti sumus, restat vt ad
rubini vrinam descendamus.

II.

Rubinum, est id quod membris
nutrimentum præbet, digestum
scilicet à stomacho ad hepar trans-
missum; à colore rubicundo sic no-
minata.

III.

Vrina rubini, est fecula aut for-
mula.

IV.

Fecula à fecibus dicta, est quan-
do vrina corrumpitur, & significat
virtutis attractiuæ defectum.

V.

Si vrina ante quinque horas cor-
rumpitur, phthysicos & hectica si-
gnum est.

VI.

Formula, à forma quæ dicitur,
nutrimenti, est quando vrina est o-
gra, aut rubea similis carni, & de-
cernit digestivæ & attractivæ vir-
tutis intermissionem, quod videli-
cet chylum indigestum ad vesicam
transmittit, & significat dysenteri-
am aut diarrhæam.

C A P. VII.

De vrina interna coloribus.

I.

HActenus de vrina externa; in-
terna sequitur.

II.

Vrina interna est, quando circu-
lus coloratior quodam modo ad
rubedinem tendit.

III.

Ex hac vrina gravissimi morbi,
adeo-

adeoq; omnium membrorum [exceptis stomacho, qui externa cognoscitur, & corde quod ex pulsu iudicatur] atque inprimis isti qui ab ipsa natura proueniunt, dignosci & iudicari possunt.

IV.

Estque & hoc albo [vt aiunt] calculo notandum, quod ex huius urinae circulo solummodo de capitis dolore [nisi ab aliis inferioribus membris symptomatice trahatur] quippiam certi pronunciari possit, ex reliquarum autem circulis minus cum isti nihil aliud, quam urinae differentiam, hoc est, an sit externa nec ne doceant.

V.

In vrina interna [quam Theophrastus Paracelsus etiam vrinam cruoris appellat] tria considerata veniunt, color substantia, & contentum,

VI.

Ex colore iudicatur membrum aegrum; ex substantia morbi quali-

tas, quandiu nimirum iste sit duraturus, & an periculo sit expositus nec ne; ex contento morbus ipse. Quocirca hæc tria accurate consideranda & perpendenda sunt. Exactissimam etenim morborum signaturam repræsentant & exprimunt.

VII.

Vt autem felicius hoc in negotio progrediamur, priusquam de morbi qualitate, ipsumq; morbum indicantibus agemus, quomodo membra ægra coloribus discernantur & cognoscantur præmittere nobis commode visum est.

VIII.

Dependet autem in hac vrina color vel à partibus, vel ab excrementis.

IX.

A partibus dependet vel dissimilaribus, vel similaribus.

X.

Partium dissimilariū color proprius, est sex principalium membrorum

brorum, cerebri, pulmonis, fellis,
Epatis, splenis & renum.

XI.

Cerebri color est albus, non ta-
men lacteus, spumam habens vi-
tream, cerebrique morbi inde di-
gnoscuntur.

XII.

Pulmonis vrina est vinea [à vino
nigriore, veluti colore hepatis, di-
cta] cum spuma. Atque vsque adeo
in peius se prodiit hæc vrina, quan-
tum à colore subrubeo discedit ad
rubeum; ad subrubeum vero incli-
nans minus periculosum denotat
morbum.

XIII.

Fellis vrina colorem flauum vel
album viridem reflexionem refe-
rentem, cum spuma vrinæ simili in
medium producit.

XIV.

Hepar colorem vineum sine spu-
ma sibi vendicat.

Splenis

XV.

Splenis vrinam designans color, est spadix cum modica spuma secundum circulum, & certo dolorem in sinistro latere demonstrat.

XVI.

Renes producunt vrinam Epati similem, sed magis diaphanū quam pulmonis, cum innatante quadam pinguedine.

XVII.

Hæc de partium dissimilariū coloribus: sequuntur septem partium similariū, vtpote, carnis, pinguedinis, ligamentorum, intestinorum, cartilaginis, cutis & sanguinis.

XVIII.

Carnis color est similis loturæ carniū, & phthisin vniuersalem, sine alicuius particularis membri dolore significat.

XIX.

Sed dolor qui à pinguedine deriuatur est pallidus cum pinguedine,

ne, & circa vmbilicum punctiones
ventris; qualis in passione cholica
accidunt, denotat.

XX.

Ligamentorum vrina affert co-
lorem album diaphanum cum spu-
ma cerebri lucidiore, & albo circu-
lo iuncta. Hæc vrina vt rara est, ita
verissime podagram, Chyragram
vel sciaticam significat.

XXI.

Intestinorum vrina est pelluci-
dæ aquæ distillatæ similis cum mo-
dica in medio natante spuma; & de-
signat iliacam cholicamve passio-
nem; sicuti etiam dysenteriam, li-
enteriam, diarrhæam & alios inte-
stinorum morbos demonstrat.

XXII.

Cartilago & vesicæ referunt vri-
nam magnis diuq; durantibus am-
pullis liuidam.

XXIII.

Eiusmodi vrina sine spuma cutis
est; quæ plerumq; lepram significat.

D

24 Color

XXIV.

Color lateritius, cæruleus, viridis aut niger, in superiore vrina clarus, in inferiore autem spissior à sanguine dependet. Hæc ob plagas & verbera frequentior apparet, magnamque sanguinis mortificationem ostendit.

XXV.

Partium coloribus hucusq; demonstratis, excrementorum deinceps explicabuntur, quæ sunt: Mucus, sudor, excrementum aurium, lachrymæ, stercus, & vrina per se.

XXVI.

Mucus habet colorem album cum mucilagine in fundo, & cerebri vitia declarat.

XXVII.

Vrina tenuis cum circulo lato & aqueo significat sudorem in cruorem conuersum esse.

XXVIII.

Minutissima portiunculæ luteæ vel atomi vrinæ innatantes, docent aurium

CHYMIATRICVM. 51

aurium excrementum per vrinae meatum descendisse, & vrgentes aurium dolores ostendit, sicuti etiam capitis.

XXIX.

Cerebri vrinae color cum minutissimis bullis, lachrymas descendisse notat.

XXX.

Color rubeus cum modica spuma alba, est stercoris, & lapillum intestinorum vetricum; constipationem indicat.

XXXI.

Color subalbus, hoc est, quando vrina aliquandiu seposita corrumpitur, & decoloratur, est vrinae per se non sanae.

C A P. VIII.

De vrinae substantia.

I.

HVcusque de colore egimus; sequitur de substantia.

II.

Dicitur autem substantia tota vrina hypostasi & sedimine carens.

D 2 Vrinae

III.

Vrinæ substantia est spissa, lucida & diaphana.

IV.

Spissa [vulgo crassa] est quam oculorum acies non penetrat, cuiuscunque sit coloris, & pugnam naturæ cum materia peccante plerumque indicat, quando videlicet crassissima est; nam prauorum humorum permissionem arguit, aut natiui caloris oppressionem, unde aut dolor, aut diuturnitas morbi, aut pravi abscessus aut relapsus. Vrina autem mediocriter spissa: salutarem crisin perpetuo pollicetur, quia natiui caloris robur ostendit, unde crisis celeritas & securitas.

V.

Quæ vrinæ claræ minguntur, & postea turbantur, indicant coctionis primum impendere rudimentum.

VI.

Quæ vrinæ crassæ minguntur, & postea

postea lucidæ fiunt, naturæ victo-
riam demonstrant, & tantillum fl-
tulentæ species superesse.

VII.

Quæ urinae perturbatae mingun-
tur & perturbatae urinis iumento-
rum similes remanent, maximam
humorum in venis agitationem, ac
naturæ cum morbo ambiguum
certamen denunciant: Et secun-
dum Hippocratem, capitis dolo-
rem, delirium, conuulsionem ac
mortem prædicunt.

VIII.

Lucida (tenuis) est per quam
manus cerintur: & nonnunquam
magnam debilitatē virtutis arguit,
atque eo magis, quo cum colorib.
malignioribus inspectatur. In non-
nullis etiam affectibus, Natiui ca-
loris robur & spirituum per vniuer-
sum urinae corpus æqualiter diffu-
sorum copiam arguit.

IX.

Diaphana est, quæ tota est pel-

D 3 lucida

lucida, vt etiam paries per eam conspicui possit, plerunque (si sine febre est) Epatis, lienis & meatuum vrinae dicatorum obstructionem indicat. Sed si febris aut alius grauis morbus (quales semper denūciat) adfuerit, periculum & extremam quandam naturae debilitatem arguit, idq; ob genuini caloris defectum.

X.

Vrina tenuis cum febre acuta cruditatem, & natiui caloris imbecillitatē perpetuo arguit: & quamdiu eiusmodi vrina apparet, nulla perfecta & salutaris crisis est speranda.

XI.

Vnde, vrinae tenues in acutis febribus si summa adsit virium imbecillitas, mortem aut ingens periculum minantur: Sin autē consent vires aut morbi lōgitudinē, aut abscessum imis in partib. prænūciant.

XII.

Vrinae tenues post crisin, relapsus periculum denunciant. Vri

XIII.

Vrina in febribus lucida, & vix sedimentum tum quæ in melius habens modo in peius mutatur turnitatem morbi significat.

XIV.

Vt autem satius vrinę substantiã pertractemus, eam explicabimus secũdum membra. Proinde si pulmonis, hepatis & renum vrina spissa est, eorundem sanitatem arguit: sin autem lucida haud bonum augurium est; sed diaphana ad mortem comitatur.

XV.

Cerebri & splenis vrina spissa, mediocris fortunæ est; lucida autem bonæ; at mediocris optimæ, quæ videlicet extra omne naturæ discrimen aut detrimentũ versatur.

XVI.

Fellis vrina spissa mortem indicat; quæ si fuerit lucida, morbus erit sanabilis; diaphana vero bona est.

XVI.

Cartilaginis, intestinorum, ligamentorum, & cutis vrina spissa bona est, sed lucida periculo exponitur, quia æger totus à medici peritia pendet: diaphana vero propendet ad crisin, hoc est, eodem die æger, quo crisis est, moritur.

XVII.

Carnis pinguedinis, & sanguinis vrina spissa tendit ad morbum chronicum: lucida fortunam in vtrumque paratam ostendit, siue illa ad vitam, siue ad mortem faciat: diaphana autem incurabilem arguit valetudinem.

XVIII.

Muci seu phlegmatis & lachrymarum vrina, sicuti etiam sudoris atque vrina si spissa fuerit, mala est: si lucida optima, quæ etiam sine omni adhibito medicamento ad pristinam sanitatem reducitur: diaphana vero approximantis salutis signum est.

Excre-

XIII.

Excrementi aurium & stercoris
vrina spissa, critica est: lucida inter-
ualli, quæ non statim criticat, sed
criticus dies produci potest: dia-
phana, sanitatis.

C A P. IX.

De contentis.

HÆc de vrinæ substantia: restat
vt ad eius contenta enuclean-
da progrediamur.

II.

Contentum in vrina, est omne
id quod crassius & corpulentius in
vrina existit, id in superficie vrinæ
cernitur, vt circulus, spuma & bul-
la, siue in vrina latitet, vt sedimen-
tum nebulæ, & ἐναώρημα.

III.

Oritur autem circulus ex sul-
phure, spuma ex mercurio, bulla ex
sale. Idcirco & eorundem morbi
inde sunt cognoscendi.

D 5

Sed

IV.

Sed spuma & bulla differunt, spuma siquidem vndique vitro adhæret, bullæ vero nonnullæ in superficie vrinæ sunt, neque vitrum vlla parte attingunt.

V.

Discolor circulus in modū iridis nota est morbi caduci grauiissimi.

VI.

Circulus venetus, vel niger morbum caducum, aut cerebri mortificationem significat.

VII.

Circulus liuidus aliquot post dies rubeus, animalis facultatis deperditæ restorationem indicat.

VIII.

Circulus exterior viridis existēs, significat icteritiam mortalem.

IX.

Viridis circulus in matricis suffocatione prognosis mortis est.

X.

In febribus eiusmodi vrinæ acutis

tis phrenesi aut capitis inflammationem indicat.

XI.

Circulus croceus capitis dolorem ob sulphuris excessum demonstrat.

XII.

Aqueus circulus & albus phlegmatis in sincipite abundantiam arguit.

XIII.

Subrubeus aut purpureus circulus sanguinis in capite abundantiam multum secundum tempora dolorem gignentem, venarumq; impletionem designat, ut etiam ager atomos ante oculos volitare putet.

XIV.

Circulus lucidus spiceus dolorem in sinistra capitis regione ex melancholico humore oriundum demonstrat.

XV.

Circulus caelestini coloris, ut saepe accidit, est mulieribus proprius, & ar-

& arguit putrefactionem in matrice ad lepram tendentem.

XVI.

In vinea aut passea vrina spumeus circulus albus aut albicans, abundantiam humorum ostendit.

XVII.

Circulus dimidiatus, in alterutro latere paralyfin annunciat.

XVIII.

Circulus cum vrina spissiore maxime spissus, rubeusque aut laterini coloris, lethargiam praesentem aut appropinquantem denotat.

XIX.

Si vero clarus & vrina circulo spissior fuerit, hydropisis signum est.

XX.

Si omnia contenta euanescent, & in aqueum circulum resolvuntur, hypofarcham adesse declarant.

XXI.

Vrina pulchra subrubea, cum duplici circulo, fuluo videlicet & flauo

flauo, symphytam strictā monstrat.

XXII.

Alcola in circulo, morbum chronicum denotat.

XXIII.

Hæc si in mulierum vrinis contingit, signum est imprægnationis, aut molæ matricis.

XXIV.

Circulus spumeus tribus digitis latis à vitro distans, mulierum est est vterum gerentium.

XXV.

Hic articulus si fuerit coloratus, haud boni partus, matricisque deficientis indicium est.

XXVI.

Circulus tremulus est prognosis apoplexiæ.

XXVII.

Præterea, in spuma si fuerint granula alba & parua, paralytis significatur: quanto autem minora fuerint, tanto veraciores nuncii erunt.

Si

XXVIII.

Si autem granula ista sub vrinæ
circulum descendunt, paralyfin ad
casum resolutam, aut casum iam
factum indicant.

XXIX.

Si spuma non abit, sed diu supra
urinam consistit, vitium pulmonis
ex phlegmate in canis eius fito in-
dicatur.

XXX.

Spuma, quæ ex se circulum, su-
pra circulum, eumque interius al-
bum efficit, designat apoplexiam.

XXXI.

Si spuma ex maioribus ampullis
constituta fuerit, est signum cor-
poris plethorici, quamvis eiusmodi
urinam reddens nulli morbo sit ob-
noxius.

XXXII.

Spuma flaua vel viridis principi-
um icteritiæ notat.

XXXIII.

Si spuma caua iacet & vitro ad-
hæret, nec tamen circulum attin-

git, circulusque sub spuma alba fuerit niger, signum mortis est.

XXXIV.

Spuma nigra dispersa, signum est icteritiæ nigræ.

XXXV.

Si spuma ob grauitatem fundum petit, & ibi residet, tremorem cordis aut incubum notat.

XXXVI.

Bullæ in vrina indicant morbos ex salibus oriundos, atq; ex iis ventositates iudicamus.

XXXVII.

Bullæ albæ in virorum vrinis principium colicæ indicant.

XXXVIII.

Hæ in muliebri vrina, suffocationem aut præcipationem matricis portendunt.

XXXIX.

Bullæ in vrina lucida & hypostasi priuata, renum oppilationem indicant; Et si quas versus mediam vrinæ superficiem pendere viderimus

mus

mus eæ affectionis ostendunt remissionem.

XL.

Bullæ virides morbum caducum denotant.

XLI.

Bullæ rubæ, sinocham febrem, aut causonem demonstrant.

XLII.

Bullæ flauæ sunt ictæritiæ nota.

XLIII.

Ceruleæ Bullæ lepram adesse docent.

XLIV.

Bullæ inuicem ascendentes morbum in capite fixum nec ad alia membra descendētem monstrant.

XLV.

Quod si bullæ simul cum spuma fuerint, phthysæos signum.

XLVI.

Circulus, spuma ac bulla eiusdem coloris, morbum fere incurabilem & Chronicum ostendunt.

Quan-

XLVII.

Quando in vrina sana hæc tria
conglutinantur, vitium est in præ-
cordiis.

XLVIII.

Iam ad reliqua perueniamus: Se-
dimentum (quod Medici plerunq;
hypostasim vocant) si in vrinis hisce
appareat celerem crisin demonstrat,
estq; certissimum futuræ criseos si-
gnum si laudabilis, ad salutem, ad
mortem vero si praua fuerit.

XLIX

Laudabile sedimentum debet
esse album, leue, æquale, & mode-
rate, crassum. Albedo solidarum
partium arguit robur; leuitas atque
æqualitas vim natiui caloris indi-
cat, moderata crassities vero caloris
robur denunciat.

L.

Quocunq; morbi die laudabile
sedimentum apparet, perpetuo sa-
lutare & expetendum venit.

E

LI.

Vrina bonum sedimentum habens & derepente non habens laborem & mutationem significat: Quia hæc inæqualitas aut materia arguit inæqualitatem, cuius portio coquitur, portio propter malignitatem & contumaciam coctionem præterfugit, aut natiui caloris imbecillitatem.

LII.

Nigrum sedimentum, morbum quidem salutarem, sed paulo diuturniorem denunciat.

LIII.

Nigrum (cum acutis febribus) sedimentum vel maximum incendium denotat, vel caloris natiui extinctionem.

LIV.

Nigrum sedimentum sine febre vel in febribus erraticis, denunciat quartanam & plerunque eius indicium esse solet.

LV.

Pulsaceum sedimentum proue-

nit à carnosarum partium colliqua-
tione, & perpetuo est lethale; Si ve-
ro ab ingenti calore, (vt quandoq;
solet) sanguinem perurante, longi-
tudinem morbi prænunciat.

LVI.

Orobeum sedimen (quod ab o-
robo seu eruo deglubro nomen ac-
cepit) in vrinis apparens, carnem,
pingui iam consumpto, imminui
demonstrat. Significat enim in iis,
qui toto corpore febriunt, vniuersi
corporis colliquationem &c.

LVI.

Si autē eiusmodi orobeū sed. &c.

LVII.

Lamineum sedimen, (quod la-
minarum instar latum) &c.

LVIII.

Sedimentum furfuraceum, &c.

LIX.

Araneæ in vrina natantes cū fe-
bri, totius corporis labem denotāt.

LX.

Quorū vrina die quarto rubeam

E 2 habet

habet nubeculam, illi die septimo iudicantur.

LXI.

Vrinae pingues solidarum corporis partium colliquationem denunciant, & vt plurimum sunt lethales : quocirca Hippocrates eas pestilentes appellare solet. Hæc de vrina simplici dicta sufficiant, ad mixtam declarandam denique descendamus.

C A P. X.

De vrina mixta.

I.

VRina mixta, est quæ ex exteriore & interiore vrina composita duplicem circulum diuersi coloris habet.

II.

Vrina mixta si fuerit viridis diaphana, dolor splenis indicatur periculofus : quando autem nebulas aut tenebras habet, mortem prædicat, imo etiam in febribus acutis eiusmodi

iusmodi vrina mortem comitatur.

III.

Talis vrina viridis nonnunquam etiam quartanæ externæ signum est.

IV.

Viridis in nigrum mutata mortis est.

V.

Viridis vrina pueri spasmus indicat.

VI.

Hominis de stomachi doloribus conquerentis vrina viridis, ostendit venenum haustum esse.

VII.

Viridis cū circulo viridi in phrenesi, mortem præfagit.

VIII.

Olei color vrina, hoc est, quæ tota euidentem olei colorem refert, paulatim procedens, & multo tempore confirmata, significat hecti-

E 3 cam

cam febrem per totum corpus diffusam esse.

IX.

Color eiusmodi lucidior, augmentum morbi indicat, corporisque pinguedinem colliquari: si vero oleacea fuerit passionem in summo esse ostendit, utpote cum exacte pingue iam sit colliquatum, mortemque presentissimam minatur, eamque eo certius si pauca atque foetens fuerit.

X.

Rubea urina diaphana, lucida vel spissa morbum presentem non venientem ostendit.

XI.

Monet autem haec urina calorem vehementem adesse, cumque cum calidis morbis, utpote a postemate & similibus.

XII.

Urina rubea & subrubea in senibus & iis, qui iam pridem naturalem calorem imminuerunt, est pessima, nec parvus metus est, ne defes-

sa vitali virtute cū passionis solutione mors irruat. In iuuenib. verō nō adeo eiusmodi vrina est metuenda.

XIII.

Si talis vrina spissa fuerit, signum est salutis, at diaphana mortem indicat.

XIV.

Si adfuerit spuma maxima, cum repletionē morbus demonstratur.

XV.

Monendum hic bullam & spumam superiorem corporis partem, quæ videlicet supra diaphragma est, significare.

XVI.

Bulla in vrina rubea, est signum consumptæ partis superioris.

XVII.

Vrina cum circulo alterius coloris, morbum secundum vmbilicum ostendit.

XVIII.

Vrina rubea cum sedimine albo menstrui fluxum portendit.

E 4 Vrina

XIX.

Vrina rubea cum sedimine rubeo eiusdem retentionem.

XX.

Quando sedimentum in tali vrina neque album, neque rubeum est, sciaticam denotat.

XXI.

Color rubeus in hydropisi, est signum mortis.

XXII.

Rubea in sciatica aliquandiu perseverans, apostema illic latitare docet.

XXIII.

Vrina prærubea initio morbi longitudinem arguit, in statu vero mortem.

XXIV.

Rubea & turbida significat apostema hepatis.

XXV.

Rubea in liuidam mutata, apostematis pectoris vel peripneumoniæ indicium est.

Rubea

XXVI.

Rubea spissa, quæ mota vitrum colore croceo tingit, icteritiam significat.

XXVII.

Vrina neq; ad rubedinem, neq; ad albedinem prorsus declinans, certissimum signum mortis est.

XXVIII.

Si spuma aut nebula in eiusmodi vrinæ superficie fuerit, mortem annunciat.

XXIX.

Aurea vrina lucida, hypostasim perpaucam obscuram, aut nullam habens, sulphur vel à multorum acrimium ciborum, vel medicamentorum acutorum, vel sanguinis feruore inflammatum indicat.

XXX.

Talis vrina crocea, sulphur ob mœroris, curæ, vigiliarum, solis æstus, & eius generis causam æstuans demonstrat.

E 5 Citri-

XXXI.

Citrina cum nebula spissa, est signum mortis.

XXXII.

Eadem cū bulla, spumave, mortem annunciat ex superioribus membris imminentem: cum sedimine autem, ex renibus aut schia irruentem docet.

XXXIII.

Eiusmodi vrina cum circulo albo diaphano instar aquæ destillatæ, mortem ex intestinis denotat.

XXXIV.

Alba vrina frigiditatis & obstructionis indicium est. Si enim sine febre, vrina est alba aquosa, pellucida, aut arguit cruditatem aut epatis lienisve & meatuum vrinæ fecernendæ, deducendæ, excipiendę dicatorum obstructionem, vnde nonnunquam hydropisis & hypofarca; aliquando ab aquæ vel vini albi liberaliori potu promanat; & per se non est lethalis lucida, vero melior: spissa saluberrima.

Alba vrina cum febre acuta & continua, nisi ad hæmorrhagiam criticam aut dysenteriam appareat, perpetuo lethalis, aut saltem periculo non vacat: quia vel summam natiui caloris imbecillitatem ostendit, aut vniuersi caloris ad caput translationem aut magnum Epatis incendium, quo sanguis vna cum bile absorbetur.

XXXVI.

Alba vrina cum circulo liuido obstructionem cerebri & caducum ostendit.

XXXVII.

Vrina passæa (hoc est, cuius color magis quam in vinca est intensus, maximeque similis passo, quod ex vva nigra decocta, vel musto ad tertias cocta, conficitur) summum sulphuris inflammati feruorem indicat, dum autem passæa permanens est, caducum demonstrat.

XXXVIII.

Liuida vrina in phthysi vel phrenesi mortis est.

XXXIX.

Liuida in parte superiori, caducum vel alios capitis affectus ostendit.

XL.

Vrina plane liuida, vel etiam ad nigredinem declinans mortis est.

XLI.

Vrinæ nigræ omnium pessimæ sunt, & lethales magis: quia aut maximum incendium omnia terrefaciens, perurens & quasi in cineres vertens, aut natiui caloris extinctionem indicant.

XLII.

Nigra vrina nebulosa, morbum ad mortem vergere indicat.

XLIII.

Hæc sine nebula, apostema, idq; iam pridem expulsum iri, demonstrat.

XLIV.

Eadem in febribus acutis semper mala, & mortis nuncia est.

Nigra

XLV.

Nigra cum sedimento nigro in acutis febribus capitis dolorem & rationis conturbationem ostendit.

XLVI.

Nigra guttatim micta, mortis nuncia est.

XLVII.

Nigra à febris principio ad septimum continuata, ægro salutem prædicit.

XLVIII.

Eadem in febribus, ægro prope caput, collum vel dorsum sudante, instantem mortem arguit.

XLIX.

In quartanis febribus aut aliis chronicis, spleneticis ac melancholicis morbis nigrarum urinarum liberalior profusio futuram salutem indicat. Nam quæ permixtione cuiusdam atrii humoris, vel ab epoto medicamento nigrae minguntur, salutare plerunq; esse solent & criticae, tum in diuturnis, tum in acutis

tis morbis. Solet enim natura depone-
re prauorum humorum abun-
dantiam per vrinas.

L.

Mulieris vrina clara cum sedi-
mine nigro menstrui non naturale
profluuium demonstrat. Si autem
mulieribus, quib. menses suppressi
sunt vrina nigra appareat, refluxente
ab utero ad renes, aut vesicam san-
guine, nihil malum.

LI.

Violacea vrina diaphana ad mor-
tem est, si hominis grauer decum-
bentis fuerit, sin vero non decum-
bentis ad lepram est.

LII.

Eiusmodi lucida & bruna in
chronicis est salutis: in acutis autem
mortis signum.

LIII.

Talis vrina spissa, si non facit ad
lepram, est salutis.

LIV.

Monendum hic etiam, vbi lepra
(de qua non temere iudicandum)

non fuerit, ibi pustulas seu morbum gallicum certo portendi.

L V.

Si in vrina tota atomi apparuerint, in toto hominis corpore thema esse demonstrat. Sin vero in superiore vrina tantū fuerint, superiores corporis partes rheumatizatas (vt ita dicam) indicat: at in media vrina, medium corpus, in inferiori autem inferiores corporis regiones rheumate affectas esse declarat.

L VI.

Eiusmodi etiam atomi matricem male affectam esse docent. Si tamen in mulierum vrina fundum petūt, ibique resident rubei, masculum conceptum esse declarant, albi autem foemellam indicant.

L VII.

Puerorum hominum infirmorum, morbis acutis subiectorum, aut quorum morbus aliquando est remissior vel recidiuus, criticum demonstrās diem vrina, mortis est.

Quan-

LVIII.

Quando in morbis grauiſſimis aut acutis vrina ad ſanam mutata fuerit, & tamen nihilominus æger decubuerit, mortem iam iam appropinquare docet.

LIX.

Vrina mulieris ſanæ albam nebulam in modū bombacis optime carpti in hyeme habens, in æſtate vero coloris ſanguinei, vterum gerentem demonſtrat. Nonnulli etiam iſtis grauidarum mulierum vrinis imaginem quandam prope matule fundum primis temporibus conſpexerunt. Sunt tamen cuiusmodi vrinæ ſanis ſpiſſiores.

LX.

Atque hæc de vrinis in præſentiarum dicta ſufficiant, vnde quicquid homini proſperum aut aduerſum, ad valetudinem quod attinet, directe quaſi in ſpeculo deprehendere poteris.

F I N I S.

